

CAP. VIII.

MUCILAGINES.

MUCILAGO AMYLI.

℞. Amyli unciam dimidiam,
Aquæ libram unam.

Amylum tere, paulatim addens Aquam; dein
coque paulisper.

MUCILAGO ASTRAGALI TRAGACANTHÆ.

℞. Gummi Astragali Tragacanthæ triti unciam
unam,
Aquæ bullientis uncias octo.

MACERA per horas viginti quatuor, et diligen-
ter tere, ut solvatur Gummi; dein per linteum
exprime.

MUCILAGO MIMOSÆ NILOTICÆ.

℞. Gummi Mimosæ Niloticæ triti, partem
unam,
Aquæ bullientis partes duas.

DIGERE, subinde agitans, donec solvatur Gum-
mi ; tum per linteum exprime.